

**CYFARFOD COMISIWN FFINIAU LLYWODRAETH LEOL CYMRU A GYNHALIWYD
AR 26 GORFFENNAF 2005 YNG NGWESTY NOVOTEL, CAERDYDD**

Comisiynwyr

Mrs. S G Smith (Cadeirydd)
Mr. J E Davies (Dirprwy Gadeirydd)
Mr. D H Roberts (Aelod)

Ysgrifenyddiaeth

Mr. E H Lewis (Ysgrifennydd)
Mr. S R Halsall
Mr. D Carr

1. DATGANIAD O DDIDDORDEB

1.1 Ni ddatganwyd unrhyw ddiddordeb newydd

**2. COFNODION CYFARFOD Y COMISIWN A GYNHALIWYD AR 21 MEHEFIN
2005**

2.1 Cytunwyd ar y rhain.

3. MATERION YN CODI

3.1 Materion MERLIN

3.1.1 Adroddodd yr Ysgrifennydd bod bwriad i wella cyswllt data'r Comisiwn ar ddiwedd mis Gorffennaf ond nad oedd unrhyw waith wedi'i wneud hyd yn hyn. Roedd yr Ysgrifenyddiaeth i fod i gwrdd â staff MERLIN drannoeth i drafod materion ynglŷn â'r gwaith adnewyddu trydanol, a dywedodd yr Ysgrifennydd y byddai'n cymryd y cyfle i godi mater y cyswllt data yn y cyfarfod hwnnw.

3.2 Cynghorau Cymunedol

3.2.1 Adroddodd yr Ysgrifennydd y byddai'n cwrdd â Chyfarwyddwr Cymdeithas Llywodraeth Leol Cymru ar 29 Gorffennaf i drafod yr adolygiadau cymunedol posibl a materion eraill.

3.3 Meddalwedd Cyfrifeg

3.3.1 Adroddwyd bod arddangosiad o feddalwedd cyfrifeg Swyddfa Archwilio Cymru wedi'i ganslo oherwydd nad oedd y feddalwedd yr oeddent yn ei defnyddio yn briodol ar gyfer gofynion y Comisiwn. Fodd bynnag, sefydlwyd bod y Cynulliad Cenedlaethol yn defnyddio meddalwedd cyfrifeg a fyddai yn gweddu i ofynion y Comisiwn ac roedd arddangosiad wedi'i drefnu gyda nhw ar gyfer dechrau mis Awst.

3.4 Adnewyddu

3.4.1 Roedd y gwaith adnewyddu'n mynd rhagddo ac roedd disgwyl y byddai cam 1 wedi'i gwblhau erbyn dechrau mis Awst. Roedd disgwyl i'r dodrefn newydd gyrraedd bryd hynny ac yna byddai gwaith yn mynd yn ei flaen ar gam 2 yr adnewyddu.

3.5 Cyfarfod Agored Blynyddol

- 3.5.1 Cynghorodd yr Ysgrifennydd y deöllir, o'r cyfarfodydd diweddar a gynhaliwyd rhwng yr Ysgrifenyddiaeth ac awdurdodau lleol, bod Cyngor Sir Powys eisoes wedi gwneud rhywfaint o waith adolygu yn ei gymunedau. Felly, roedd ef wedi gwahodd y Swyddog Gwasanaethau Etholiadol, Melvyn Humphries, i roi cyflwyniad ar y pwnc hwn yn y Cyfarfod Agored Blynyddol. Dywedodd Mr Humphries y byddai'n fodlon rhoi'r cyflwyniad ar yr amod bod y Prif Weithredwr yn cytuno.

3.6 Adolygu Cymunedau Bracla a Choety Uchaf

- 3.6.1 Adroddwyd, yn sgil y tarfu a achoswyd gan y gwaith adnewyddu, y byddai angen oedi rhag cyhoeddi a dosbarthu adroddiad y Cynigion Terfynol tan ganol mis Awst.

3.7 Cyfarfod â Gweinidog Llywodraeth Leol y Cynulliad

- 3.7.1 Roedd y dyddiad dydd Mercher 5 Hydref 2005 wedi'i osod ar gyfer y cyfarfod, am 9.30 a.m.

3.8 Cyfarfod Cyffredinol Blynyddol Un Llais i Gymru

- 3.8.1 Hysbyswyd y comisiynwyr y bydd Un Llais i Gymru yn cynnal ei gyfarfod cyffredinol blynyddol ddydd Sadwrn 22 Hydref 2005 yn Llanfair ym Muallt. **Cytunwyd** y byddai Mr Roberts yn mynychu ar ran y Comisiwn.

3.9 Cyfarfod Cyffredinol Blynyddol Cymdeithas Llywodraeth Leol Cymru

- 3.9.1 Hysbyswyd y comisiynwyr y bydd Cymdeithas Llywodraeth Leol Cymru yn cynnal ei Chynhadledd Flynyddol ddydd Llun 3 Hydref 2005 yn Abertawe. **Cytunwyd** y byddai naill ai Mr Davies neu Mr Roberts yn mynychu ar ran y Comisiwn.

4. TREFNIADAU AR GYFER ADOLYGU ANGHYSONDERAU FFINIAU

- 4.1 Nododd y Comisiwn adroddiad y cyfarfodydd a gynhaliwyd rhwng yr Ysgrifenyddiaeth ac awdurdodau lleol. Ar y cyfan, bu'r cyfarfodydd yn galonogol ac roedd swyddogion cynghorau wedi nodi'r amserlen ac wedi deall bod gofyn dechrau'r ymarfer cyn gynted ag y bod modd. Roedd Sir Ddinbych eisoes wedi ysgrifennu'n ffurfiol at y Cynulliad Cenedlaethol ynglŷn â'r mater ac roedd yn bwriadu gwneud hynny eto wedi iddynt nodi'r meysydd penodol yr oeddent yn dymuno'u hadolygu. Roedd Wrecsam yn bwriadu ysgrifennu at y Cynulliad Cenedlaethol yn yr hydref wedi iddynt nodi meysydd penodol i'w hadolygu. Roedd Caerffili ac Ynys Môn wedi llunio ffiniau eu wardiau cymunedol ac wedi cytuno i roi'r data i'r Comisiwn. Roedd disgwyl y byddai cyfarfod â Sir Fynwy'n cael ei gynnal ym mis Hydref. **Cytunwyd** y byddai'r Ysgrifenyddiaeth yn anfon llythrau atgoffa i'r awdurdodau lleol hynny nad oeddent wedi ymateb i'r llythyr cais gwreiddiol.
- 4.2 Roedd y Comisiwn o'r farn y dylai fod cyn lleied o oediad â phosibl rhwng y ceisiadau am gymorth gan awdurdodau lleol a chyhoeddi cyfarwyddiadau gan y Cynulliad Cenedlaethol. Fodd bynnag, nodont y byddai rhaid cael cyfnod ymgynghori ar gyfarwyddiadau'r Cynulliad Cenedlaethol cyn y gellid eu dosbarthu. Ystyriwyd y byddai angen i'r Comisiwn godi'r mater hwn yn ei gyfarfod gyda'r Gweinidog er mwyn gweld beth y gellid ei wneud i leihau'r amser a gymerir i ddosbarthu'r cyfarwyddiadau. **Cytunwyd**, wedi i'r agenda ar

gyfer y cyfarfod gael ei gwblhau y byddai'r Ysgrifennydd yn cysylltu â'r adran nodd i adael iddi wybod bod y Comisiwn yn bwriadu codi'r mater hwn.

4.3 **Cytunwyd** y byddai copïau o'r cyfarwyddiadau ar gyfer yr adolygiad diwethaf o drefniadau etholiadol awdurdodau lleol yn cael eu hanfon i Gomisiynwyr.

4.4 **Cytunwyd** y byddai unrhyw bapurau sy'n gysylltiedig â'r cyfarfod a gynhaliwyd â Chyngor Sir Powys yn cael eu hanfon i'r Comisiynwyr.

5. **ADRODDIAD MONITRO'R GYLLIDEB AR GYFER CHWARTER CYNTAF 2005/06**

5.1 Adroddwyd bod tanwariant cyffredinol ar gyfer chwarter cyntaf 2005-06. Er y bu gorwariant yn rhai o gategoriâu'r gyllideb, amcangyfrifwyd y byddai'r rhain yn dychwelyd i danwariant dros y misoedd sydd i ddod. Nododd y Comisiwn yr adroddiad.

6. **ADOLYGIAD O'R FFIN RHWNG BLAENHONDDAN A DYFFRYN CLYDACH**

6.1 Ystyriodd y Comisiwn y sylwadau a gafwyd ar gyfer cyfnod cychwynnol yr adolygiad. Adroddwyd bod yr Ysgrifenyddiaeth wedi mynd ar ymweliad safle arall i'r ardal a'i bod yn ymddangos bod y rhwystrau ar y ffordd mewn sawl man ar yr ystâd yn rhannu ardal Brookfield / Heol Taillwyd oddi wrth weddill Blaenhonddan. Yn ogystal, ymddengys bod adeiladu eiddo newydd yn ardal y ffin a awgrymwyd, wedi'i gwblhau.

6.2 Ystyriwyd y byddai angen i'r Comisiwn egluro nad oedd goblygiadau ariannol o reidrwydd yn ffactor wrth bennu materion. **Cytunwyd** y byddai Mr Davies yn rhoi paragraff yn dweud hynny i'w gynnwys yn adroddiad y Cynigion Drafft. **Cytunwyd** y byddai'r Ysgrifenyddiaeth yn cysylltu â Chyngor Bwrdeistref Castell-nedd Port Talbot i ofyn am wybodaeth ynglŷn â nifer yr etholwyr ym mhob un o'r cymunedau, eu wardiau a'r ardal a gâi ei hadolygu.

6.3 **Cytunwyd** y byddai'r Comisiwn yn mabwysiadu'r ffin arfaethedig fel ei gynigion drafft.

6.4 Roedd rhai o'r sylwadau a gafwyd yn gofyn i'r Comisiwn gynnal refferendwm yn yr ardal a oedd yn cael ei heffeithio. Roedd y Comisiwn o'r farn na fyddai refferendwm yn addas ond y byddai'n bosibl ehangu'r broses ymgynghori drwy gynnwys holl drigolion yr ardal adolygu ar y rhestr ddosbarthu ar gyfer yr adroddiad ar y cynigion drafft. **Cytunwyd** y byddai'r adroddiad ar y cynigion drafft yn cael ei ddosbarthu i'r holl etholwyr yn yr ardal gynigion, ynghyd â ffurflen yn holi a oedd y trigolyn yn cytuno â chynigion y Comisiwn ai peidio ac am unrhyw sylwadau ychwanegol.

6.5 **Cytunwyd** y byddai'r adroddiad ar y cynigion drafft yn cynnwys paragraff yn egluro na fyddai'r Comisiwn yn rhwym i farn y mwyafrif o ran y ffurflenni wedi'u cwblhau a ddychwelid ond y byddai'n parhau i wneud penderfyniadau ar sail llywodraeth leol effeithiol a chyfleus.

6.6 **Cytunwyd** y byddai'r adroddiad ar y cynigion drafft yn cynnwys yr holl sylwadau cychwynnol a gafwyd, gan gynnwys y rheiny a gafwyd ar gyfer yr adolygiad gwreiddiol, a derfynwyd yn gynnar.

- 6.7 **Cytunwyd** y byddai'r Ysgrifenyddiaeth yn gwirio data mapio newydd a gafwyd gan yr Arolwg Ordnans ar gyfer y wybodaeth fwyaf cyfoes am dai newydd yn yr ardal adolygu. Byddai angen mynd ar ymweliad pellach i'r safle i weld y ffin arfaethedig cyn lluni adroddiad ar y cynigion drafft. Byddai drafft cyntaf adroddiad y cynigion drafft yn cael ei gyflwyno yng nghyfarfod y Comisiwn ym mis Hydref.

7. UNRHYW FATER ARALL

- 7.1 Nododd y Comisiwn newidiadau i amserlen yr adolygiadau.
- 7.2 Cafwyd llythyr gan y Gweinidog yn derbyn cynigion terfynol y Comisiwn ar gyfer adolygiad ffin Cilgerran.
- 7.3 Hysbysodd yr Ysgrifennydd y Comisiynwyr y byddai Comisiwn Ffiniau Lloegr yn Llundain yn cynnal y cyfarfod rhyng-gomisiwn nesaf yn ystod mis Mawrth 2006.
- 7.4 **Cytunwyd** y byddai trefniadau'n cael eu gwneud i'r Comisiwn gael ei roi ar y rhestr bostio ar gyfer cylchlythyr chwarterol Cymdeithasol Llywodraeth Leol Cymru, a allai gael ei ddsbarthu wedyn i'r Aelodau.

8. DYDDIAD Y CYFARFOD NESAF

- 8.1 Trefnwyd dyddiad y cyfarfod nesaf, sef dydd Iau 8 Medi 2005 am 10.30 a.m.